

Radionica komponente vezane za procjenu vrijednosti nekretnina

11.06.2015 15:55



U skladu s planiranim aktivnostima CILAP projekta, u periodu od 8 – 12. juna 2015. godine u hotelu Maxi u Sarajevu održana je radionica na temu „Razvoj tehničke dokumentacije“.

Radionicu su vodili regionalni stručnjaci gosp. Dušan Mitrović iz Slovenije i gđa Marija Rašković iz Srbije, a obrađene su sljedeće teme:

- Web aplikacija Registra cijena –primjeri iz Slovenije i Srbije
- Pregled pripremljene tehničke dokumentacije Registra cijena i diskusija o detaljima
- Podrška prilikom izrade finalne verzije tehničke dokumentacije Registra cijena.

Osnovni cilj radionice je bio da se pruži stručna podrška za izradu tehničke dokumentacije za razvoj sistema Registra cijena. Plan implementacije Registra cijena nekretnina, izrađen od strane radnih grupa, predstavlja dobru osnovu za razvoj tehničke dokumentacije. Plan implementacije je šira slika gdje je detaljno dat pregled organizacionog i procesnog modela. Sada se radna grupa mora baviti detaljima sistema, kao što su funkcionalnosti Registra cijena, koje informacije će biti dostupne i ko su korisnici sistema, postavljanje nefunkcionalnih zahtjeva i sl. Na radionici su, osim redovnih članova grupe, prisutni bili i predstavnici ICT radne grupe koji će podržavati rad tokom razvoja ICT sistema.

Stručnjaci su dali primjere svojih upitnika, odnosno načina prikupljanja podataka, svrstavanja i upisa nekretnina u aplikaciju Registra cijena, te slučajeve na koje treba obratiti pažnju i definirati ih u softveru. Na radionici su obrađena i specifična pitanja razvoja sistema Registra cijena kao što su objekti sistema, atributi aplikacije, načini prikupljanja i održavanja podataka, operacije ugovora u Registru cijena (traženje, statistike, printanje, izvoz, uređivanje i pregled) i drugi detalji koji moraju biti sadržani u tehničkoj dokumentaciji za razvoj Registra cijena nekretnina.

U znak podrške, direktori obje entitetske uprave za geodetske i imovinsko-pravne poslove u Bosni i Hercegovini i Lantmäterieta te gđa Anđa Zimić, direktorica Projekta, su u periodu održavanja Upravnog odbora CILAP projekta došli pozdraviti učesnike radionice i iskazati zadovoljstvo postignutim rezultatima u sklopu komponente.